

食货典

食貨典第二百二十二卷

雜稅部彙考六

元二

武宗至大元年免山場河泊商稅復立泉府院 按元史武宗本紀至大元年十一月庚申詔山場河泊商稅截日免之 按食貨志元年復立泉府院整治市舶司事

至大二年詔弛山澤禁罷行泉府又禁私販等物下海定商稅諸色課程收鈔數 按元史武宗本紀二年春正月丙申詔天下弛山澤之禁二月癸亥罷行泉府院以市舶歸之行省九月庚辰詔金銀私相買賣及海舶興販金銀銅錢絲綿布帛下海者並禁之茶鹽酒醋商稅諸色課程如收至大銀鈔以一當五 按食貨志二年罷行泉府院以市舶提舉司隸行省

至大三年定稅課法立河南打捕鷹魚課提舉司 按元史武宗本紀三年春正月乙未定稅課法諸色課程並係大德十一年考較定舊額元增總爲正額折至元鈔作數自至大三年爲始恢辦餘止以十分爲率增及三分以上爲下酬五分以上爲中酬七分以上爲上酬增及九分爲最不及三

分爲殿所設資品官員以二周歲爲滿定稅課官等第萬錠之上設正提舉同提舉副提舉各一員
一千錠之上設提領大使副使各二員五百錠之上設提領大使副使各一員一百錠之上設大使
副使各一員秋七月癸巳立河南打捕鷹坊魚課都提舉司 按食貨志三年契本一道復增作至
元鈔三錢逮至天曆之際天下總入之數視至元七年所定之額蓋不啻百倍云 商稅額數大

都宣課提舉司一十萬三千六錠一十一兩四錢 大都路八千二百四十二錠九兩七錢

上都留守司一千九百三十四錠五兩 上都稅課提舉司一萬五百二十五錠五兩 興和

路七百七十錠一十七兩一錢 永平路二千二百七十二錠四兩五錢 保定路六千五百

七錠二十三兩五錢 嘉定路一萬七千四百八錠三兩九錢 順德路二千五百七錠九兩

九錢 廣平路五千三百七錠二十兩二錢 彰德路四千八百五錠四十二兩八錢 大

名路一萬七百九十五錠八兩五錢 懷慶路四千九百四十九錠二兩 衛輝路三千六百

六十三錠七兩 河間路一萬四百六十六錠四十七兩二錢 東平路六千一百四十一錠

四十八兩四錢 東昌路四千八百七十九錠三十二兩 濟寧路一萬二千四百三錠四兩

一錢 曹州六千一十七錠四十六兩三錢 濮州二千六百七十一錠七錢 高唐州四

千二百五十九錠六兩 泰安州二千一十三錠二十五兩四錢 冠州七百三十八錠一十

九兩七錢 寧海州九百四十四錠三錢 德州二千九百一十九錠四十二兩八錢 益

都路九千四百七十七錠一十五兩 濟南路一萬二千七百五十二錠三十六兩六錢 般

陽路三千四百八十六錠九兩 大同路八千四百三十八錠一十九兩一錢 冀寧路一萬

七百一十四錠三十四兩六錢 晉寧路二萬一千三百五十九錠四十兩二錢 嶺北行省

四百四十八錠四十五兩六錢 遼陽行省八千二百七十三錠四十一兩四錢 河南行省

一十四萬七千四百二十八錠三十二兩三錢 陝西行省四萬五千五百七十九錠三十九兩

二錢 四川行省一萬六千六百七十六錠四兩八錢 甘肅行省一萬七千三百六十一錠

三十六兩一錢 江浙行省二十六萬九千二十七錠三十兩三錢 江西行省六萬二千五

百一十二錠七兩三錢 湖廣行省六萬八千八百四十四錠九兩九錢 按續文獻通考初

耶律楚材奏薦張奐爲河南路徵收課稅所長官廉訪使奐將行言於楚材曰僕不敏誤蒙不次之

用以書生而理財賦已非所長又況河南兵荒之後遺民無幾烹鮮之喻正在今日急而擾之糜爛必矣願假以歲月使得撫摩瘡痍以爲朝廷愛養基本萬一之助楚材善之與旣至按行境內親問監務月課幾何難易若何有以增額言者免責之曰剝下欺上汝欲我爲之耶減元額四之一公私便之

至大四年仁宗卽位罷市舶司嚴稅課官盜稅課之罪按元史仁宗本紀四年三月庚寅卽皇帝位按食貨志四年又罷市舶提舉司按續文獻通考四年時仁宗未改元勅商稅官盜稅課者同職

官贓罪

仁宗延祐元年詔免差稅商賈勿免開下番市舶之禁立市舶司給牒與下番商販歸則征稅按元史仁宗本紀延祐元年二月甲戌詔免蒙古地差稅二年商賈勿免秋七月庚午詔開下番市舶禁冬十月乙未勅下番商販須江淞省給牒以往歸則征稅如制私往者沒其物按食貨志元年復立市舶提舉司仍禁人下番官自發船貿易廻帆之日細物十分抽二粗物十五分抽二

延祐五年勅稅上都商販按元史仁宗本紀五年二月乙卯勅上都諸寺權豪商販貨物並輸稅

課

延祐七年臣僚乞罷所賜山場海舶稅不聽英宗括山場河泊審治廬舍卽皇帝位罷市舶提舉司禁下番課權廣東番貨弛山場河泊禁禁匿商稅 按元史仁宗本紀七年春正月壬午御史臺臣言比賜不兒罕丁山場完者不花海舶稅會計其鈔皆數十萬錠諸王軍民貧乏者所賜未嘗若是苟不撙節致帑藏虛竭民益困矣中書省臣進曰臺臣所言良是乞賜罷黜帝曰卿等不必言 按英宗本紀七年二月辛未括民間係官山場河泊審治廬舍三月庚寅帝卽位夏四月己巳罷市舶司禁賈人下番課五月辛卯遣使權廣東番貨九月癸巳瀋陽水旱害稼弛其山場河泊之禁十一月庚辰禁京城諸寺邸舍匿商稅 按食貨志七年以下番之人將絲銀細物易於外國又併提舉司罷之

英宗至治二年復置市舶提舉司禁下番貨弛河泊禁 按元史英宗本紀至治二年三月丙戌復置市舶提舉司於泉州慶元廣東三路禁子女金銀絲綿下番閏五月甲子真定山東諸路饑弛其河泊之禁 按食貨志二年復立泉州慶元廣東三處提舉司申嚴市舶之禁

至治三年設權稅官征海商稅 按元史英宗本紀三年五月辛卯設大理路白鹽城權稅官秩正七品中慶路權稅官秩從七品 按食貨志三年聽海商貿易歸徵其稅

泰定帝泰定元年令行省抽分海舶 按元史泰定帝本紀不載 按食貨志泰定元年諸海舶至者止令行省抽分

泰定二年冬十月庚申倭舶來互市 按元史泰定帝本紀云云

致和元年禁匿稅 按元史泰定帝本紀致和元年春正月己卯禁僧道匿商稅

文宗天曆元年選廉吏征日本舶稅弛被兵郡縣山場河灤禁禁中獻寶貨立額外課雜稅課歲入之數 按元史文宗本紀天曆元年十一月庚午日本舶商至福建博易者江浙行省選廉吏征其稅十二月戊午詔被兵郡縣弛山場河灤之禁 按食貨志元年以中買寶貨蠹耗國財詔加禁止

凡中獻者以違制論云 又按志元有額外課謂之額外者歲課爲有額而此課不在其額中也然國之經用亦有賴焉課之名凡三十有二其一曰曆日二曰契本三曰河泊四曰山場五曰窖冶六曰房地租七曰門攤八曰池塘九曰蒲葦十曰食羊十一曰荻葦十二曰煤炭十三曰撞岸十四曰

山查十五曰麴十六曰魚十七曰漆十八曰醪十九曰山澤二十曰蕩二十一曰柳二十二曰牙
例二十三曰乳牛二十四曰抽分二十五曰蒲二十六曰魚苗二十七曰柴二十八曰羊皮二十九
曰磁三十曰竹葦三十一曰薑三十二曰白藥其歲入之數惟天曆元年可攷云 曆日總三百

一十二萬三千一百八十五本計中統鈔四萬五千九百八十錠三十二兩五錢內腹裏七萬二千
一十本計鈔八千五百七十錠三十一兩一錢行省二百五十五萬一千一百七十五本計鈔三萬
七千四百一十錠一兩四錢大曆二百二十萬二千二百三本每本鈔一兩計四萬四千四十四錠
三兩小曆九十一萬五千七百二十五本每本鈔一錢計一千八百三十一錠三十二兩五錢回回
曆五千二百五十七本每本鈔一兩計一百五錠七兩 契本總三十萬三千八百道每道鈔一

兩五錢計中統鈔九千一百一十四錠內腹裏六萬八千三百三十二道計鈔二千四十九錠四十
八兩行省二十三萬五千四百六十八道計鈔七千六十四錠二兩 河泊課總計鈔五萬七千

六百四十三錠二十三兩四錢內腹裏四百六錠四十六兩二錢行省五萬七千二百三十六錠二
十七兩一錢 山場課總計鈔七百一十九錠四十九兩一錢內腹裏二百三十九錠一十三兩

四錢行省四百八十錠三十五兩六錢

窑冶課總計鈔九百五十六錠四十五兩九錢內腹裏

一百九十七錠三十二兩四錢行省七百五十九錠一十三兩

房地租錢總計鈔一萬二千五

十三錠四十八兩四錢內腹裏九百六十六錠五兩三錢行省一萬一千八十七錠四十三兩一錢

門攤課總計鈔二萬六千八百九十九錠一十九兩一錢內湖廣省二萬六千一百六十七錠

三兩四錢江西省三百六十錠一兩五錢河南省三百七十二錠一十四兩一錢

池塘課總計

鈔一千九錠二十六兩五錢內江浙省二十四錠二十二兩七錢江西省九百八十五錠三兩八錢

蒲葦課總計鈔六百八十六錠三十三兩四錢內腹裏一百四十六錠五兩八錢行省五百四

十五錠二十七兩六錢

食羊等課總計鈔一千七百六十錠二十九兩七錢內大都路四百三

十八錠上都路三百錠興和路三百錠大同路三百九十三錠羊市二百二十九錠二十九兩七錢

煤木所一百錠

荻葦課總計鈔七百二十四錠六兩九錢內河南省六百四十四錠五兩八錢

江西省八十錠一兩八錢

煤炭課總計鈔二千六百一十五錠二十六兩四錢內大同路一百

二十九錠一兩九錢煤木所二千四百九十六錠二十四兩五錢

撞岸課總計鈔一百八十六

錠三十七兩五錢內般陽路一百六十錠二十四兩寧海州二十六錠一十三兩五錢恩州一十三兩八錢 山查課總計鈔七十五錠二十六兩四錢內真定路一錠二十五兩八錢廣平路四十

錠五兩一錢大同路三十三錠四十五兩四錢 麴課江浙省鈔五十五錠三十七兩四錢

魚課江浙省鈔一百四十三錠四十兩四錢 漆課總計鈔一百一十二錠二十六兩內四川省

廣元路一百一十一錠二十五兩八錢 醪課總計鈔二十九錠三十七兩八錢內腹裏永平路

二十三錠二十五兩四錢江西行省六錠一十二兩五錢 山澤課總計鈔二十四錠二十一兩

一錢內彰德路一十三錠四十兩懷慶路一十錠三十一兩一錢 蕩課平江路八百八十六錠

七錢 柳課河間路四百二錠一十四兩八錢 牙例課河間路二百八錠三十三兩八錢

乳牛課真定路二百八錠三十兩 抽分課黃州路一百四十四錠四十四兩五錢 蒲課

晉寧路七十二錠 魚苗課龍興路六十五錠八兩五錢 柴課安豐路三十五錠一十一兩

七錢 羊皮課襄陽路一十錠四十八兩八錢 磁課冀寧路五十八錠 竹葦課奉元路

三千七百四十六錠三兩六錢 薑課興元路一百六十二錠二十七兩九錢 白藥課彰德

路一十四錠二十五兩

按續文獻通考天曆元年天下稅課數金二萬四千四百三十兩銀七

萬七千五百一十八兩銅二千三百八十斤鐵九十二萬四千五百四十三斤課鈔一千八百七十

九錠四十八兩鉛一千七百九十八斤錫丹礬礬粉課鈔三千四百十錠竹木課鈔一萬二千九百

六十錠鹽二百五十六萬四千引該課鈔七百六十六萬一千錠茶課二十八萬九千二百一十一

錠酒醋課五十四萬一千九百五十錠貳二十萬一千一百一十七索商課九十九萬八千三百錠

曆日鈔四萬五千九百八十錠契本鈔九千一百十四錠河泊山蕩密冶鈔六萬一百一十一錠房

地門攤三萬八千九百五十二錠池塘蒲葦荻柴柳竹薑漆山查等課六千七百五十五錠抽分撞

岸牙例五百三十八錠食羊乳牛魚苗羊皮麪酵等課二千三百二十六錠煤炭磁課二千六百七

十二錠通爲鈔九百六十七萬六千一百五十八錠又包銀差發鈔九百八十九貳錠一百一十三

萬三千一百十九索絲一百九萬八千八百四十二斤絹三十五萬五百三十疋綿七萬二千十五

斤布二十一萬一千二百二十三疋又印造鈔三十四萬一千四百一十錠夏稅鈔十四萬九千二

百七十三錠秋糧一千二百一十一萬四千七百石而海運之數三百二十一萬五千四百石 又按

續通考竹木課腹裏木六百七十六錠七兩四錢額外木七十三錠二十五兩三錢竹三錠四十兩
額外竹一千一百三錠二兩二錢江浙省額外竹木九千三百五十五錠二十四兩江西省額外竹
木五百九十錠二十三兩三錢河南省竹二十六萬九千六百九十五竿板木五萬八千六百條額
外竹木一千七百四十八錠三十兩一錢

天曆二年征僧道商稅弛河南陝西山澤禁免奉元路商稅一年 按元史文宗本紀二年三月丁
丑僧道也里可溫朮忽合失蠻爲商者仍舊制納稅夏四月丙辰河南廉訪司言河南府路以兵旱
民饑乞弛山林川澤之禁聽民採食從之秋七月己未征京師僧道商稅冬十月壬寅弛陝西山澤
之禁以與民庚戌免徵奉元路民間商稅一年

至順二年命以商稅輸大承天護聖寺免誠爲僧者及燕鐵木兒邸舍商稅 按元史文宗本紀二
年二月甲戌命田賦總管府稅鑛銀輸大承天護聖寺三月丙戌中書省臣言宣課提舉司歲權商
稅爲鈔十萬餘錠比歲數不登乞凡僧道爲商者仍征其稅有旨誠爲僧者其仍免之八月甲寅命
宣課提舉司毋收燕鐵木兒邸舍商貨稅

至順三年免陝西今年商稅 按元史文宗本紀三年六月己亥免陝西行省今年商稅

順帝至元元年稅甘肅金銀 按元史順帝本紀至元元年六月辛酉有司言甘肅撒里畏產金銀

請遣官稅之

至元三年立船戶納鈔法開所在山場河泊之禁 按元史順帝本紀三年二月丙子立船戶提舉

司十處提領二十處定船戶科差船一千料之上者歲納鈔六錠以下遞減辛卯開所在山場河泊之禁聽民樵採

至元六年罷按利房船戶提舉山查提領等官 按元史順帝本紀六年二月丁未罷通州河西務等處抽分按利房 按續文獻通考六年罷各處船戶提舉大都東裏山查提領所

明一

明代各直省設立裁革稅課司局河泊所各鈔關各房鈔立諸課程額數及事例 按明會典戶部

商稅凡一應收稅衙門有都稅有宣課有司有局有分司其收稅有本色有折鈔其起解收貯有入

內府有留各處亦有添設除免其差官有巡視監收例各不一具列於後

稅課司局各司局衙門歷朝建革不一其已革衙門課程仍於該府州縣及附近司局帶管或於均徭內編補或將革過巡攔工食銀抵補歲辦不缺今並存之

見設司局衙門 順天府崇文門分司德勝門分司安定門稅課司通州稅課局張家灣宣課司

武清縣稅課局正德八年革九年復 直隸永平府稅課司保定府稅課司河間府稅課司靜海縣

稅課局滄州長蘆稅課局真定府稅課司應天府都稅司江東宣課司聚寶門宣課司龍江宣課司

朝陽門分司句容縣稅課司六合縣稅課局直隸松江府稅課司常州府稅課司鎮江府稅課司廬

州府稅課司鳳陽府稅課司淮安府稅課司 揚州府稅課司嘉靖十一年令帶管邵伯稅課局瓜

州稅課局 儀真縣稅課局高郵州稅課局通州稅課局泰州稅課局徐州稅課局

浙江布政司 杭州府稅課司江漲稅課分司城北稅課分司城南稅課分司仁和縣橫塘臨平稅

課局錢塘縣西溪稅課局安溪奉口稅課局 海鹽縣稅課局正德二年革赭山陽鎮稅課局歸併

此 處州府稅課司 溫州府稅課司正德二年革永嘉縣南溪稅課局併此 瑞安縣三港稅課

局嘉興府稅課司

江西布政司 稅課司南昌府稅課司臨江府稅課司建昌府稅課司撫州府稅課司饒州府稅課司九江府稅課司

湖廣布政司 黃州府黃岡縣團風鎮稅課局荊州府稅課司常德府稅課司辰州府稅課司襄陽府樊城稅課司岳州府稅課司鄖陽府稅課司

福建布政司 福州府稅課司

山東布政司 遼陽稅課司廣寧城稅課司濟南府稅課司德州稅課局兗州府稅課司濟寧州稅課局沂州稅課局東昌府稅課司臨清州臨清會通稅課局青州府稅課司登州府稅課司

山西布政司 太原府稅課司平陽府稅課司大同府稅課司潞安府稅課司

河南布政司 開封府稅課司 歸德府稅課司嘉靖二十四年添設 河南府稅課司彰德府稅課司衛輝府稅課司懷慶府河內縣清化鎮稅課局

陝西布政司 西安府稅課司三原縣稅課局同州朝邑縣稅課局延安府榆林稅課司鞏昌府稅課司臨洮府稅課司蘭州稅課司慶陽府稅課司

陝西都司 寧夏衛稅課局

陝西行都司 稅課司莊浪衛稅課局西寧衛軍民指揮使司稅課局涼州衛涼州稅課局

四川布政司 成都府稅課司瀘州稅課局烏撒軍民稅課司

廣東布政司 廣州府稅課司

廣西布政司 桂林府稅課司梧州府稅課司南寧府稅課司

雲南布政司 雲南府稅課司大理府稅課司臨安府稅課司曲靖軍民府霑益州交水稅課局楚

雄府稅課司騰衝軍民指揮使司稅課局永昌軍民府稅課司

貴州布政司 鎮遠府稅課司普安州稅課局鎮寧州在城稅課局貴州宣慰使司貴州稅課局

裁革司局衙門 順天府蘆溝橋宣課司正德元年革都稅司正陽門宣課司以上萬曆十一年革

永清縣稅課局東安縣稅課局密雲縣稅課局以上弘治十八年革涿州稅課局萬曆八年革通州

武清縣稅課局正德八年革霸州文安縣稅課局薊州遵化縣稅課局以上弘治十八年革直隸永

平府灤州稅課局正德八年革保定府易州稅課局嘉靖四十一年革真定府定州稅課局弘治十

八年革順德府邢臺縣稅課局弘治十八年革大名府稅課司嘉靖十一年革應天府龍潭稅課局
正德二年革龍江稅課司太平門稅課司以上嘉靖十七年革高淳縣稅課局正德二年革溧陽縣
稅課局溧水縣稅課局以上隆慶元年革江浦縣浦子口稅課局萬曆九年革直隸蘇州府稅課司
隆慶二年革長洲縣稅課局吳縣稅課局以上嘉靖三十九年革常熟縣稅課局吳江縣稅課局嘉
定縣稅課局太倉州稅課局以上嘉靖四十一年革崇明縣稅課局弘治十八年革松江府華亭縣
南橋稅課局葉河稅課局以上弘治十七年革小真稅課局金澤稅課局張涇稅課局以上嘉靖三
十三年革七寶稅課局楊巷稅課局以上嘉靖四十一年革鳳凰山稅課局萬曆八年革上海縣稅
課局隆慶元年革烏泥涇稅課局青浦縣新涇稅課局以上嘉靖三十三年革常州府宜興縣稅課
局嘉靖三十三年革江陰縣稅課局嘉靖四十三年革無錫縣稅課局萬曆八年革鎮江府丹徒縣
稅課局金壇縣稅課局以上弘治十八年革丹陽縣稅課局嘉靖四十一年革廬州府無爲州稅課
局隆慶元年革巢縣稅課局嘉靖十五年革六安州稅課局隆慶元年革霍山縣稅課局嘉靖十年
革鳳陽府潁州稅課局宿州稅課局亳州稅課局以上嘉靖十一年革壽州稅課局嘉靖四十三年